

皇清經解

皇

清

經

解

皇清經解卷六百七十一

學海堂

廣雅疏證

高郵王觀察
念孫著

釋言

雷令也

皆謂善也齊侯罇鐘銘雷命難老卽令命也微絲鼎銘永令
縮雷升縮卽令終也戾敦銘雷升雷令卽令終令命也盤庚
弔由靈傳云靈善也正義以爲爾雅釋詁文今爾雅作令卽
風定之方中篇靈雨旣零鄭箋云靈善也石鼓文作雷雨雷
靈令聲義並同互見卷一靈善也下令各本譌作今今訂正

免賸也

詳

科藪也

說見卷三
科本也下

皇清經解

卷六百七十一 王觀察廣雅疏證

毀虧也

誓制也

爾雅誓謹也郭璞注云所以約勅謹戒眾說文誓約束也釋名誓制也以拘制之也各本譌作制誓也今訂正

謂指也

指而言之曰謂隱元年公羊傳云王者孰謂謂文王也

節已也

已猶止也

居據也

釋名云據居也晉語今不據其安韋昭注亦云

據杖也

說文據杖持也邶風柏舟篇云不可以據

如均也

堯典云

子已似也

未詳

注

此與下文義不相屬
當有脫文不可考矣

理媒也

楚辭離騷云吾令蹇脩以
為理又云理弱而媒拙兮

滔漫也

說文滔水漫漫大兒堯典云浩浩滔滔天大雅蕩篇天降滔德
毛傳云滔慢也水漫曰滔人慢曰滔其義一也故釋名云慢

莫無所限忌也

是青涇澤

卷六

王觀察廣雅疏證

二

吳跌也

吳之言傾側跌之言差跌也說文吳日西也又云廐日在西
方時側也引離九三日廐之離今本作吳王嗣宗本作仄土
密禮下篇作側穀梁春秋經作稷竝字異而義同周官司市
注云日廐跌中也史記天官書食至日跌爲稷漢書天文志
作跌

妬嬾也

今俗語猶謂爭色曰
妬音若酒酢之酢

嫖嫖也

說見卷一嫖嫖妬
也下嫖與嫖同

秩程也

秩通作秩又作𣎵秩與程古聲義竝同說文程品也又云𣎵
爵之次第也引堯典平𣎵東作今本作平秩史記五帝紀作
便程說文踐從呈聲𣎵從戠聲
讀若詩戠戠大猷今本作秩秩

脂也

說見釋器

輸寫也

小雅蓼蕭篇我心寫兮毛傳云輸寫其心也枚乘七發云輸寫渙濁引之云周語陽氣俱烝土膏其動弗震弗渝脈其滿皆渝當讀為輸謂輸寫其氣使達於外也左氏春秋隱六年鄭人來渝平公羊穀梁作輸平是渝輸古字通此言當土脈盛發之時不即震動之輸寫之則其氣鬱而不出必滿塞而為災也韋注訓渝為變於上下文義稍遠矣

縣抗也

說見卷四抗縣也下

朔蘇也

蘇與蘇通說文朔月一日始蘇也白虎通義云月言朔何朔之言蘇也明消更生故言朔也論語為政篇皇侃疏引書大傳云夫正朔有三本天有三統明王者受命各統一正也朔者蘇也革也言萬物革更於是故統焉爾雅朔北方也堯典

正義引李巡注云萬物盡於北方蘇而復生故言朔也是凡言朔者皆復蘇之義也

道迄也

道遠與
錯交通

汜晉也

汜各本譌作
汜今訂正

資操也

資與齋通說見卷三
三操齋特也下

緊糾也

說見卷一
糾急也下

款叩也

呂氏春秋愛士篇夜款門而謁
高誘注云款叩也款與款同

和和也

徇營也

眾經音義卷十七引倉頡篇云殉求也莊子駢拇篇小人則以身殉利司馬彪注云殉營也殉與徇通說文夔營求也夔與徇古聲義亦同柳風擊鼓篇于嗟洵兮韓詩洵作夔是其類矣

民氓也

供養也

序射也

說見卷一
庠養也下

侯也

春秋繁露 濮察名號篇云號爲諸侯者宜謹視所侯奉之天子也王制正義引春秋元命包云侯者侯也侯王順逆也又周官小祝掌小祭祀將事侯禴禱祠之祝號鄭注云侯之言侯也侯嘉慶祈福祥之屬

位莅也

莅或作洫信三年穀梁傳云莅者位也古者位莅立三字同聲而通用周官鄉師執斧以洫匠師鄭注云故書洫作立鄭司農云立讀爲洫小宗伯掌建國之神位注云故書位作立鄭司農云立讀爲位古者立位同字古文春秋經公卽位爲公卽立肆師用牲于社宗則爲位注云故書位爲洫杜子春云洫當爲位各本莅下脫去也字遂與下條相連孝經正義引廣雅位莅也今據以補正

祿也

祿下蓋脫錄字位莅祿錄皆取同聲之字爲訓周南樛木正義引孝經援神契云祿者錄也上所以敬錄接下所以謹錄事上自義亦同風華其義于虎通義同

要約也

管美卷十寸長合時篇云歲末也其于相附當小八則

逋竄也

劓劓也

說見卷一刳劓斷也下刳與刳同

御侍也

檣距也

說文檣衰柱也又云堂距也堂距與檣距同考工記弓人維角堂之鄭眾注云堂讀如掌距之掌車掌之掌司馬相如長門賦云離樓梧而相撐漢書匈奴傳云陳遵與單于相掌距並字異而義同檣各本譌作撐自宋時本已然故集韻類篇並引廣雅撐距也考說文玉篇廣韻俱無撐字今訂正

礙閤也

礙與閤同聲而通用說文礙止也小爾雅閤限也列子黃帝篇云雲霧不礙其視又云物無得傷閤者力命篇云孰能礙之太元難次六云上礙于山下觸于川並字異而義同

闌閉也

說文闌門遮也楚語爲之闌鬻蕃籬而遠備閑之韋昭注云閑闌也闌通作蘭魏策云有河山以蘭之史記魏世家作闌

書經

卷之三

土觀察廣雅疏證

鑄鑿也

方言鑄椓也晉趙謂之鑄說文鑄破木鑄也一曰琢石也淮南子本經訓鑄山石高誘注云鑄猶鑿也求金玉也鹽鐵論通有篇云鑄山石而求金銀鑄與鑄聲近義同

水準也

管子水地篇云水者萬物之準也白虎通義云水之為言準也養物平均有準則也水與準古同聲而通用考工記斬人斬注則利準栗氏權之然後準之故書準並作水

眈眈也

玉篇眈目瞬也廣韻云目眇視也眾經音義卷一引通俗文云一月眈曰眈眈與眈同

剝天也

鄭注王制云天斷殺也說文剝絕也引甘誓天用剝絕其命今本作剝管子五行篇云數剝竹箭漢書外戚傳云命操絕而不長並字異而義同

級等也

冤枉也

著著也

說文書著也釋名書庶也紀庶物也亦言著也著之簡紙永不滅也賈子道德說篇云著此竹帛謂之書書者此之著者也

刊切也

切膾也

竝見卷一削刊切斷也下削與膾通刊各本譌作利今訂正

委累也

各本皆作委闕也案委與闕義不相近此因委下脫去累也二字而下文闕下又有脫字遂誤合爲一條文選赭白馬賦注云廣雅曰委累也言累加之也今據以補正委之言委積也大戴禮四代篇云委利生孽

闕也

小雅節南山傳云闕息也大射儀注云闕止也文王世子注云闕終也

牽挽也

剋利也

說見卷二

圃劔也

說見卷四圃劔劔也下

諛是也

大學引大甲顧諛天之明命鄭注云諛猶正也說文正是也是諛聲義竝同

君羣也

逸周書太子晉解云侯能成羣謂之君荀子王制篇云君者善羣也羣道得則萬物皆得其宜六畜皆得其長羣生皆得

其命韓詩外傳云君者何也曰羣也
羣天下萬物而除其害者謂之君

臣繕也

白虎通義云臣者繕也堅也
屬志自堅固也繕與繕通

愛儂也

說見卷一翳愛也及卷二
箋障也下愛儂箋並通

指斥也

詠諧也

說見卷二詠
諧諛也下

書如也

書序正義引璿璣鈴云書者如
也寫其言如其意情得展舒也

凌暴也

皇青涇解

卷六百七

王觀察廣雅疏證

麟轅也

說文轅車所踐也又云踳轅也漢書司馬相如傳云掩菟踳鹿又云藺元鶴亂昆雞又云徒車之所閭轅王商傳云百姓奔走相蹂躪後漢書班固傳云蹂躪其十二三並字異而義同

謫謫也

末衰也

繫辭傳云
殷之末世

擘剖也

憤盈也

說見
卷一

劇判也

說見卷一判
劇分也下

饌幾也

饌說文玉篇廣韻竝作饌說文饌幾也饌小食也幾曹憲音祈各本脫去幾字其音內祈字又誤入正文集韻類篇竝引廣雅饌祈也則宋時廣雅本已誤案諸書無訓饌為祈者史記司馬相如傳噍咀芝英兮噍瓊華徐廣音義云噍音祈小食也顏師古漢書注云噍音機又音祈今據以訂正

係經也

係與素通素經皆常也法也宜十一年左傳云不愆于素士喪禮獻素鄭注云形法定為素素與索古同聲故索亦訓為法定四年左傳疆以周索杜注云索法也正義引考工記量器銘時文思索鄭注考工記云言是又德之君思求可以為民立法者而作此量鄺風定之方中箋引考工記索作素

貢功也

說文貢獻功也禹貢厥貢漆絲鄭注云貢者百功之府受而藏之周官大宰賦貢以馭其用注云貢功也九職之功所稅也曲禮五官致貢曰享注云貢功也致其歲終之功於王

皇青巫倅

卷六

王觀察廣雅疏證

八